


古豐識略

卷一至八

地 520.21
37
21-10



此書為鍾石帆將軍輯而未鐫稿本將軍與先
職方公為駕部前輩先職方公在宣南得原稿
為祖姑丈下頌臣制軍索去時先通議公方在
濟南節幕因與舅父黃公敬齋分手趨鈔數日而
畢時瑞方十三齡得見原本字作院體繕寫極工
閱今五十年展卷靜觀猶恍見退食篝燈揮翰情
景謹識卷端俾吾子孫知為手澤而寶愛之民
國戊寅五月裕瑞敬誌

代擬古豐識畧序祈

政

己未春小袁古豐識畧初稿既成屬余為序余受而讀之開卷即首列余名余駭然小袁曰君獨不記柳州梓人傳耶昔京兆尹將飾官署委羣材會眾工斧斤刀鋸者環立嚮之梓人左持引右執杖量棟宇之任視木之能舉曰斧執斧者奔而右曰鋸執鋸者趨而左斤者斲刀者削皆視其色俟其言莫敢自斷者既成書其上曰某年月日某建則梓人姓名也識畧之作何以異是余自甲寅秋分巡茲土受篆之日

古豐識畧

序

一

即首以志來為詢王雁汀制軍時撫晉亦徵取口外各廳志書顧此間自土默特嚮順以來我

國家深仁厚澤涵濡已久聲教所訖民物繁庶洵晉北亦大都會也而志來之作至今缺如通志附朔平府後寥寥數言府志修於雍正初年每類附載數則而簡畧過甚其中不無舛錯江文通曰作史莫難於志信然余爾時即有創修之思迺以乙卯春躬詣會垣面陳地方事宜蒙中丞委鞠西包頭商人控案留省八閱月回任接辦水災賑務暨查算各屬交代本關歷任奏銷并安設各小口丙辰秋奉綏遠城將軍



奏委赴薩拉齊會同烏蘭察布盟長四子部落王審
訊烏喇特西公旗槍斃民命一案並勘辦刺麻洞消
水河北務輪蹄鞅掌歷碌無閒不律踰縻視同隔世
而志書之作耿耿不能去懷是歲杪小袁來署談及
此輒毅然任之然亦以一人心力為此數千百年創
始之舉無採訪諸人可助無故轍可尋雖稽考前人
書籍有塞北行紀出塞紀畧北征錄及北番風俗紀
載在四庫書目而蕭條行篋無一編之儲塞外鮮藏
書家又復無從執借每欲粘筆輒復中止蓋亦知難
而退者屢矣去歲夏余奉部議瓜期將及亟與小袁

商謂此時不草創成書恐嗣後益難為力因檢自携
書籍及料房案卷置小袁室中俾得蒐采而鈔輯之
小袁復不憚勞費親歷城市鄉村尋山問水一車一
僕晨出暮歸謀野則覆燈下彼此考訂或余為搜其
顛末而小袁手錄於紙或小袁先為條列而余復參
酌於後或稽古昔或採近今分天地人物釐然為四
十卷卷末各附按語不數月書成仍不敢以志乘自
居惟遵 欽定新豐識畧之例亦以識畧目之至
通志府志俱附志歸化城今既五廳分列歸化城三
字似未足以盡之恭讀我

聖祖仁皇帝御製崇福寺碑文朕惟歸化城為古豐
州地煌煌天語包賅古今因名之曰古豐識畧俟後
史詳考而增定焉小袁既首書余名余固不敢如柳
州所云以梓人自居而繩墨之曲直規矩之方圓實
與小袁同審曲而尚勢焉都料匠之作其烏能免貽
誚也夫是為序咸豐十年花朝後三日石帆鍾 書

古豐識畧目錄

天部

卷一 星野

卷二 占候

卷三 象警

卷四 節氣

地部

卷五 沿革

卷六 疆域

卷七 山川

古豐識畧 目錄

一

卷八 古蹟

卷九 陵墓

卷十 關津

卷十一 城郭

卷十二 壇廟

卷十三 寺塔

卷十四 公署

卷十五 官學

卷十六 義學

卷十七 教場

卷十八 倉庫

卷十九 田賦

卷二十 市集

卷二十一 賽社

卷二十二 濟卹

卷二十三 村莊

人部

卷二十四 駐蹕

卷二十五 巡幸

卷二十六 官制

古豐職畧

目錄

二

卷二十七 兵防

卷二十八 官績

卷二十九 鄉賢

卷三十 流寓

卷三十一 史鑑

卷三十二 宸翰

卷三十三 藝文(上)

卷三十四 藝文(下)

卷三十五 風俗

卷三十六 土默特

卷三十七 呼圖克圖

物部

卷三十八 書籍

卷三十九 土產

卷四十 稅課

古堂識畧

目錄

古豐識畧卷一

分巡歸綏等處兵備道長白鍾秀石帆

原棟選知縣崞縣張曾小袁

初稿

天部

星野

趙地昴畢之分野趙分晉得趙國西有太原定襄雲中五原上黨定襄五原雲中本戎狄地雁門於天文別屬燕見漢書地理志

朔平府志歷引蔡邕月令章句費直周易說續

古豐識畧

天部 卷一

星野

一

漢書注晉唐宋天文志金史文獻通考諸書其說不一而斷以山西諸郡太原潞安遼沁俱參井分野大同昴畢分野朔平介太原大同之間所分之野應從昴畢井三星而冀之北土馬牧之所出天苑之象存焉胃得馬牧之氣趙之分野應兼胃昴畢三星因悉列圖以備參考惟是胃星分野漢地理志未之及歷代天文志則謂其在魯分如遼以婁胃之墟東北負山胃得馬牧之氣與冀之北土同占其說不無臆斷至井星分野既在太原潞安遼沁中隔雁門距此地

頗遠而遠引唐書謂邊外豐勝諸州皆東井之分歸化城古豐州地兼昂畢井無疑獨不思李淳風之說洪容齋已譏其謬且其說以雲中定襄雁門代郡列於東井與鬼秦雍州之下而於昂畢趙冀州下近列信都鉅鹿等十一郡與漢書大相刺謬又烏可據以為證天道遠而難知漢書地理志既明言之今仍以昂畢為斷

古豐識畧卷二

分巡歸綏等處兵備道長白鍾秀石帆

初稿

原 棟 選 知 縣 崢 縣 張 曾 小 袁

天部

占候

昴宿第七星為毛頭跳躍則邊兵大起熒惑守其北

燕趙兵起太白守之邊兵動

畢宿有大星曰天高一曰邊將明大則遠方來貢失

色邊兵亂動搖邊兵起

昴畢間二星曰天街主國界金火守之邊兵起

古豐識畧

天部 卷二

占候

一

附耳一星在畢下主聽得失星盛主中國微有盜賊

邊埃警動移則讒佞行兵大起

五車五星三柱九星在畢北主天子五兵西北曰天

庫主秦東北曰天獄主燕趙東南曰天倉主魯衛

中央曰司空主楚西南曰卿主魏五星有變各以

所主占之又填星舍五車燕代大旱三柱一曰三

泉一曰休一曰旗五星明柱皆見則倉廩充實

天關一星在五車南畢西北亦曰天門主邊事主關

閉

參旗九星在天關西天旗也明而希則邊警不動流

星入北地兵起

畢西南九星曰九斿天子之旗也主邊軍進退金火

守之兵亂起

以上占
昂畢宿

晉候辰星占參伐秦晉用兵復占太白邊塞數侵獨

占辰星

中台下星主冀邊國警則下星疏而橫色白

招搖一星近北斗在杓端主北邊兵芒角變動兵大
行明則兵起

天鋒一星一名法戈在招搖北主北邊兵芒角變動
則邊兵起

古豐藏畧

天部 卷二

占候

二

梗河三星在帝座北招搖在其中主北邊兵為劍戟
之星不見或進退不定鋒鏑亂起大為邊境之患
傳舍九星在華蓋上近河主外使入中國賓客之館
也客星守之備姦使

長垣四星在少微南主界域太白入邊將叛

陽門二星在庫樓東北主邊塞險阻之地客星出有
邊警

狗二星在南斗魁前主吠守客星入北邊饑守之守
禦之臣作亂

狗國四星主三韓鮮卑獯狁烏桓之屬不明則吉明

則冠起

天壘十二星在法南園如大錢主北邊及丁零鬼方之虜焚惑入守邊塞有警

以上占諸星

按古太史之職觀天文察地理掌占候司紀載世有專官其於躔度象緯辨之也詳占之也確豐州為趙極西北地考之天文家言昴畢兩宿占邊事者八星而胃井無一焉信乎班氏之說顯而可徵言胃井者不待辨而知其失矣雖邊之一字東西南朔所暨者廣而分野所在自應指北邊而言言北邊者雖不僅指豐州而要不能謂豐州之非北邊也因取昴畢兩宿占邊事者識之而并以諸星占驗有關北邊者附識于後易有云觀乎天文以察時變幸無以其管窺也而忽之

古豐識畧卷三

分巡歸綏等處兵備道長白鍾秀石帆

初稿

原 棟 選 知 縣 崞縣張曾小衣

天部

象警

漢高帝七年月暈圍參畢七重

文帝後七年秋七月火東行畢陽環畢東北出西逆行至昴宿南乃東行

順帝永建六年春二月彗星昏見西北歷昴畢

晉惠帝元康三年春填星歲星太白三星聚於昴畢

古豐識畧

天部 卷三

象警

一

永興二年秋八月有星孛於昴畢

孝武帝太元十年夏四月太白晝見於昴畢

二十年冬十一月大黃星出於昴畢之分五十日

宋文帝元嘉十六年夏五月太白晝見胃昴入羽林軍遂犯畢

十九年秋九月有星孛於天牢入五車經昴畢之間

百餘日入西方不見

齊廢帝永元元年

魏太和二年

冬十一月月在畢暈昴

北魏節閔帝普泰二年十一月大流星出昴北東南

流歷畢貫參光明燭地有聲如雷

梁武帝普通三年秋九月月在畢暈昴畢觜參兩肩
五年秋八月月在昴暈畢一肩
六年冬十月月在畢暈昴兩肩

中大通元年冬十月月在畢暈昴十二月掩畢在畢
又暈昴

五年冬十一月月在畢暈昴

六年秋八月月在畢暈昴四星冬十二月又在畢暈
昴

大同四年冬十月月在畢暈昴

七年春正月月在畢西鑠昴

古豐識畧

天部 卷三

家警

二

八年冬十二月月在昴暈畢

陳宣帝太建八年冬十月己未庚申月連暈昴畢五
車及參

唐太宗貞觀十二年春三月有星孛於畢昴

高宗乾封二年夏四月彗星見於東北在五車畢昴
間

中宗景龍四年春二月熒惑犯天街

元宗開元十八年夏六月有星孛於昴畢

天寶十四年春二月熒惑太白晦於畢昴四月乃伏
肅宗乾元三年夏四月彗星見於東方歷昴畢

代宗大歷七年春二月熒惑犯天街

十年秋九月月暈昴畢有黑氣乍合乍散

懿宗咸通十年火土金水四星暈於畢昴

宋仁宗天聖四年冬十二月熒惑犯天街

六年春正月日官言熒惑行近天街當犯而不犯請

宣付史館從之

嘉祐四年秋七月熒惑犯畢距星九月退犯天街

神宗熙寧六年春二月熒惑犯天街

元豐四年秋九月星出天街北急行穿五車沒黑黃

有尾跡

古豐識畧

天部卷三

彗

三

哲宗元祐元年春閏二月熒惑犯天街

三年春二月熒惑犯天街

徽宗大觀二年夏六月熒惑犯天街

重和元年春二月填星犯天街

高宗紹興二十二年春二月熒惑順行犯天街

孝宗乾道五年春正月熒惑犯天街

淳熙元年冬十二月月犯天街

理宗端平二年冬十月填星逆行犯畢十二月留守

天街

明太祖洪武二十六年春二月太白犯天街

二十七年夏六月熒惑犯天街

成祖永樂二十年冬十月熒惑退犯天街上星

英宗正統元年春二月熒惑犯天街

憲宗成化四年春二月熒惑犯天街

孝宗宏治十四年冬十月熒惑犯天街

世宗嘉靖八年春二月太白犯天街

十二年夏六月彗星出昴畢掃大陵及天大將軍芒

長文餘

按天象示警凡日月五星掩蝕凌犯諸史必書用以推占人事往往有驗自明末西法入中國

古豐識畧

天部 卷三

彗

四

以五緯之退留遲速為運行之常史遂削而不載茲於太陰五星掩犯昴畢者悉依前史備書天街居昴畢之間為中外分界於此地恰合當并識之而於在昴不在畢或在畢不在昴者畧焉則以豐州分野上應昴畢屬昴屬畢古無明文因獨取其兼昴畢者識之耳若謂昴畢二宿指趙國全境而言豐州在趙僅彈丸一隅則凡作郡縣志者於天文一門可遂置而不論矣